



Babhta 1 Dámhachtain Sparánachta Amharclannaíochta 2024

Treoirlínte d'íarratasóirí

Spriocdháta: 5.30pm (am na hÉireann), Déardaoin an 15 Feabhra 2024

Tabhair faoi deara: daoine faoi mhíchumas nó daoine a bhfuil riachtanais maidir le bealach isteach acu

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo íarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon, ar an nguthán (01 618 0200/01 618 0243) nó trí ríomhphost (access@arts council.ie) chomh luath agus is féidir roimh an spriocdháta.

CLÁR

Pointí tábhachtacha nach mór cuimhneamh orthu	3
Cabhair a fháil maidir le d'iarratas	4
1. Faisnéis faoin Dámhachtain Sparánachta Amharclannaíochta	5
1.1 Cuspóirí agus tosaíochtaí na dámhachtana	5
1.2 Cé atá i dteideal iarratas a dhéanamh?	10
1.3 Cé hé an t-iarratasóir?	10
1.4 Cé nach bhfuil i dteideal iarratas a dhéanamh?	11
1.5 Cad is féidir leat iarratas a dhéanamh air?	11
1.6 Cad nach féidir leat iarratas a dhéanamh air?	14
1.7 Cén t-ábhar tacaíochta nach mór duit a chur isteach le d'iarratas?	15
1.8 Incháilitheacht	18
1.9 Cá fhad a thógfaidh sé chun cinneadh a fháil?	19
2. An bealach chun d'iarratas a dhéanamh	20
2.1 Cláraigh le Seirbhísí ar Líne na Comhairle Ealaíon	20
2.2 Líon isteach an fhoirm iarratais	22
2.3 Ullmhaigh aon ábhar tacaíochta atá riachtanach don iarratas	22
2.4 Iarratas a dhéanamh ar líne	24
3. An chaoi a ndéanaimid measúnú ar d'iarratas	26
3.1 Forbhreathnú	26
3.2 An próiseas measúnaithe	26
3.3 Critéir chun iarratais a mheasúnú	27
3.4 Próiseas Tuairiscithe	28
3.5 Toradh na n-iarratas	30
3.6 Achomhairc	31

Pointí tábhachtacha nach mór cuimhneamh orthu

- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháiéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriocdháta.
 - Tá gach rannán den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraig.
-

[Cabhair a fháil maidir le d'íarratas](#)

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin:
<http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar

- **01 618 0200**
- **01 618 0243**

Má bhíonn ceist agat faoi d'íarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoliniú á chur faoina mbráid agat ar ríomhphost nó ar an bhfón ocht **n-uaire is ceathracha ar a laghad** roimh an spriocdháta fógartha.

<http://www.artscouncil.ie/ga/Teigh-i-dteagmhail-linn/Liosawai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>

1. Faisnéis faoin Dámhachtain Sparánachta Amharclannaíochta

1.1 Cuspóirí agus tosaíochtaí na dámhachtana

Tacaíonn an Dámhachtain Sparánachta Amharclannaíochta le healaíontóirí gairmiúla amharclannaíochta chun a gcleachtas ealaíne a fhorbairt ag gach céim dá ngairmréim.

Tá an dámhachtain seo thíos ar fhorbairt ghairmiúil. Mar sin, tugann an dámhachtain am agus acmhainní do na healaíontóirí chun smaoineamh, taighde agus machnamh a dhéanamh agus chun dul i ngleic lena gcleachtas ealaíonta.

Tacaíonn an dámhachtain le próiseas rannpháirtíochta struchtúrtha maidir le cleachtas amharclannaíochta a fhorbairt. Tá tosaíocht ar leith ann maidir le spreagadh ealaíonta/treoir ealaíonta/réimse cleachtais amharclannaíochta ar leith a fhorbairt trí thaighde agus triail struchtúrtha agus/nó trí meantóireacht agus/nó trí chomhoibriú.

Tabhair faoi deara nach dtacófar le tograí chun oibriú ar thionscadail ar leith atá le forbairt nó le léiriú - nó le haghaidh eilimintí de léiriúcháin - tríd an dámhachtain seo. Ar an gcaoi chéanna, ní thacófar le tograí d'oiliúint ghairmiúil fhoirmiúil leanúnach.

Tá sé mar aidhm ag an scéim seo:

- An t-am agus an spás a chur ar fáil d'ealaíontóirí amharclannaíochta chun smaointe a chíoradh agus/nó taighde a dhéanamh i leith gníomh ealaíne ar leith **agus/nó**
- Tacú le healaíontóirí téatair a gcleachtas a fhorbairt trí imscrúdú agus taighde nó trí dheiseanna oliúna scoite de staidéar¹ neamhchreidiúnaithe agus/nó oiliúint neamhghairme **agus/nó**
- An t-am agus na hacmhainní a chur ar fáil d'ealaíontóirí amharclannaíochta chun meantóireacht a fháil ó chleachtóir(i) a bhfuil cuntas teiste náisiúnta nó idirnáisiúnta suntasach aige/aici, **agus/nó**

¹ Glactar leis seo nach bhfuil an staidéar creidiúnaithe ag institiúid tríú leibhéal

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

- A chur ar chumas ealaíontóra **Cónaitheacht** nach faide ná bliain amháin a dhéanamh le compháirtíocht ionaid ealaíon arna mhaoliniú ag an gComhairle Ealaíon nó eagraíocht ábhartha eile amharclannaíochta agus/nó oifig údarás áitiúil á maoiniú ag an gComhairle Ealaíon. I gcásanna den chineál sin, déanfaidh an t-ealaíontóir amharclannaíochta gach a mbeidh i gceist leis na cláir oibre go sonrach a dhearadh i gcomhar le hionad/féile ealaíon/eagraíocht amharclannaíochta arna maoiniú ag an gComhairle Ealaíon agus/nó le hoifig ealaíon na n-údarás áitiúil. Tugtar faoi deara, cé gurb é forbairt ghairmiúil an ealaíontóra féin an tosaíocht fós laistigh den dámhachtain sparánachta, i gcomhthéacs togra cónaitheachta, d'fhéadfadh go gcuimseofaí le scóip na hoibre, oibriú le healaíontóirí agus pobail spéise eile agus/nó léiriúchán saothair chríochnaithe ag deireadh thréimhse na cónaitheachta.

Tabharfar túis áite d'íarratais ó ealaíontóirí gairmiúla amharclannaíochta:

- A léireoidh uaillmhian agus fíos i gcur chuige struchtúrtha agus meáite ar a c(h)lár sparánachta a chruthú
- A léireoidh an tslí a mbainfidh gcleachtas mar ghairmí amharclannaíochta tairbhe as tacaíocht struchtúrtha thráthúil
- A fhéachann, trí chomhoibriú agus/nó meantóireacht náisiúnta/idirnáisiúnta, lena gcleachtas a phorbairt agus lena dtuiscint agus a léirthuiscint ar an amharclannaíocht mar fhoirm ealaíne a neartú.
- A léireoidh uaillmhian trí chálíocht na meantóireachta beartaithe agus/nó a mholann tacaíocht forbartha gairmiúla ardchaighdeáin
- A léiríonn indéantacht a dtogra trí bhuiséad réadúil, amlínte agus fianaise ar na tacaíochtaí cuí, lena n-áirítear pá ealaíontóirí, a chur ar fáil
- Atá in ann samplaí an-láidir de shaothar ábhartha, a rinneadh le gairid, agus/nó gnóthachtálacha ghairmiúla a chur ar fáil
- A dhéanann fíor-iarracht a gcleachtas féin a phorbairt trí iniúchadh agus taighde nó trí dheiseanna oiliúna ar leith a bhaineann le staidéar neamhfhoirmeálta agus/nó oiliúint neamhghairme
- A léiríonn indéantacht a dtogra trí bhuiséad réadúil, amlínte agus fianaise ar na tacaíochtaí cuí, lena n-áirítear pá ealaíontóirí, a chur ar fáil.

Cuireann straitéis deich mbliana na Comhairle Ealaíon (2016–2025), *Saothar Ealaíne lontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.artscouncil.ie/ga/strateis-na-comhairle-ealaion/>).

Sainmhínithe chun críche na scéime seo

-
- Amharclannaíocht** Is é an sainmhíníu atá ag an gComhairle Ealaíon ar Amharclannaíocht ná saothar drámaíochta nó saothar iardhrámaíochta arna thaibhiú ag aisteoirí os comhair lucht féachana beo sa spás nó san áit chéanna (agus d'fhéadfadh sé gur spás foirmiúil amharclannaíochta é seo nó nach ea). Ba cheart go gcuimseodh sé gnéithe riachtanacha na hamharclannaíochta amhail taibhiú, móiminteam insinte agus teannas drámatúil. Ní chialláonn sé seo go gcaithfidh scéal inbhraite a bheith ann, *per se*, ach ní mór don saothar cloí leis na struchtúir leathana den tuiscint għinearálta ar an amharclannaíocht bheo. **Ní áirítéar** go sonrach sa sainmhíníu seo tograí chun an méid seo a leanas a fhorbairt:
- closdráma/drámaí raidió
 - taifeadadh podchraoltaí
 - taibhealaín nó ealaín bheo fhadtréimhseach
 - suiteálacha ealaíne
 - fuirseoireacht ar na boinn
 - imeachtaí amhail agallaimh phoiblí, cainteanna, léachtaí nach bhfuil nasctha agus atá sainiúil don saothar amharclainne féin i gcomhthéacs réamhléirithe nó iarléirithe
 - aon chineál taibhithe scannánaithe, ach amháin sa chás go bhfuil taibhiú os comhair lucht féachana beo á thaifead le haghaidh craoladh beo agus/nó scaipeadh amach anseo, agus/nó sa chás go gcuireann treoir sláinte phoiblí cosc ar fhreastal lucht féachana ag imeachtaí beo

Tabhair faoi deara freisin, nach dtabharfar tosaíocht

d'imeachtaí amharclannaíochta nuair nach ionann an phríomhfhóirm ealaíne agus amharclannaíocht – e.g. damhsa, ceol – agus/nó nach cleachtóirí amharclannaíochta iad na príomhthaibheoirí – e.g. damhsóirí, ceoltóirí – agus/nó i gcás gur cleachtas rannpháirtíochta príomhfhócas an tsaothair, do mhaoiniú amharclannaíochta, agus ba cheart duit iarratas a dhéanamh ar dhámhachtainí na foirme ealaíne ábhartha atá ar fáil. Tá tuilleadh eolais ar fáil ar www.artscouncil.ie.

Ealaíontóir gairmiúil amharclannaíochta	Duine atá ag obair go gairmiúil i gcáil chruthaitheach laistigh de chomhthéacs amharclannaíochta, e.g. drámadóir, cumadóir amharclannaíochta, stiúrthóir, aisteoir, dearthóir (lena n-áirítear soilsiú, fuaim, seit, feisteas) agus/nó léiritheoir cruthaitheach. Bíodh is nach gá go dtuilleann siad ioncam go leanúnach ná go heisiach óna gcleachtas ealaíon,ní mór do na hiarratasóirí iad féin a aithint agus a bheith aitheanta ag a bpiaraí mar ealaíontóirí gairmiúla atá i mbun cleachtaidh.
Meantóireacht	Tacaíocht duine-le-duine, rialta, shaincheaptha agus struchtúrtha ó ealaíontóir nó ó ghairmí ag céim níos airde ina gcleachtas amharclannaíochta nó ina ngairm bheatha ghairmiúil ná an t-iarratasóir. Ba cheart go mbeadh teacht aniar láidir ann chun tairbhe a bhaint as obair nó cur chuige an iarratasóra agus chun iad a chur chun cinn.
Meantóir	Cleachtóir a bhfuil taithí fhairsing aige nó aici agus a bhfuil cuntas teiste follasach aige nó aici agus go bhfuil saineolas aige/aici ina réimse féin den chleachtas amharclannaíochta agus a c(h)umas meantóireachta sonraithe agus leagtha amach go soiléir.
Comhoibriú nó próiseas comhoibríoch	Próiseas ina dtugann ealaíontóirí amharclannaíochta ó réimsí éagsúla cleachtais (e.g. aisteoirí, dearthóirí), saineolas i gcineálacha éagsúla cleachtais ealaíonta agus

i ndisciplíní éagsúla le chéile chun oibriú le chéile i dtreo saothar amharclannaíochta a chruthú. Bíodh is go bhféadfadh ceannaire nó éascaitheoir ainmnithe a bheith ann don phróiseas seo, tá sé éagsúil leis an bpróiseas níos caighdeánaí maidir le comhoibriú i seomra cleachtaidh ina dtreoraíonn stiúrthóir aisteoirí i bpróiseas cleachtaidh.

Cónaitheacht	Comhpháirtíocht idir ealaíontóir agus eagraíocht ina gcuirfidh an eagraíocht spás agus acmhainní ar fáil chun cur ar chumas an ealaíontóra a c(h)leachtas agus a c(h)uid smaointe a fhorbairt. D'fhéadfadh nó ní fhéadfadh an t-ealaíontóir saothar críochnaithe a tháirgeadh ag deireadh thréimhse na cónaitheachta, agus d'fhéadfadh go mbeadh/nach mbeadh fonn ar an ealaíontóir smaoineamh ar leith a fhorbairt agus an t-óstach cónaitheachta ina intinn acu..
Eagraíochtaí amharclannaíochta maoinithe	Eagraíochtaí a fhaigheann Maoliniú Straitéisearch, Maoliniú Comhpháirtíocha nó Maoliniú d'Ionaid Ealaíon agus a bhfuil cuntas teiste acu maidir le léiriú agus cur i láthair amharclannaíochta - e.g. comhlachtaí léiriúcháin, féilte, ionaid agus eagraíochtaí acmhainne a obríonn san amharclannaíocht
Ionad ealaíon	Ionad ealaíon atá maoinithe ag an gComhairle Ealaíon agus a fhaigheann Maoliniú Deontais do na hEalaíona nó Maoliniú d'Ionaid Ealaíon agus ag a bhfuil cuntas teiste ar amharclannaíocht ghairmiúil a choimisiúnú, a fhorbairt, a léiriú agus/nó a chlárú do luchtanna féachana ar bhonn rialta.
Féile	Féile atá maoinithe ag an gComhairle Ealaíon agus a fhaigheann Maoliniú Deontais do na hEalaíona nó Maoliniú Straitéisearch agus ag a bhfuil cuntas teiste ar amharclannaíocht ghairmiúil a choimisiúnú, a fhorbairt, a léiriú agus/nó a chlárú do luchtanna féachana ar bhonn rialta.

1.2 Cé atá i dteideal iarratas a dhéanamh?

Tá an dámhachtain oscailte d'ealaíontóirí gairmiúla amharclannaíochta atá ag teacht chun cinn, atá i lár a ngairmréime agus atá bunaithe, agus atá ag obair sna seánraí go léir.

Le bheith i dteideal iarratas a dhéanamh, ní mór d'iarratasóirí na riachtanais seo a leanas a shásamh:

- A bheith ina gcónaí i bPoblacht na hÉireann. Ach, i líon teoranta cásanna, féadfaimid glacadh le hiarratais ó lasmuigh de Phoblacht na hÉireann. Sa chás seo, ní mór duit a lua i d'fhoirm iarratais an chaoi a rachadh do thogra chun tairbhe na n-ealaíon i bPoblacht na hÉireann. Chaithfimis a bheith sásta le do mhíniú.
- A bheith ina n-ealaíontóirí amharclannaíochta gairmiúla gníomhacha – mar atá leagtha amach faoin sainmhíniú thuas
- Cuntas teiste a léiriú le trí shampla ábhartha agus úrnua d'éachtaí gairmiúla.

Mar chuid dá [Beartas Comhionannais, Éagsúlachta agus Ionchuimsitheachta](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir féideartha beag beann ar inscne, claoindh gnéis, stádas sibhialta nó teaghlaigh, creideamh, aois, míchumas, cine nó duine den Lucht Siúil, nó cúlra socheacnamaíoch. Sa scéim mhaoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá baiteach leo.

1.3 Cé hé an t-iarratasóir?

Is ionann an t-iarratasóir agus an té a gheobhaidh aon mhaoliniú a thairgfear agus a bheidh freagrach as glacadh le téarmaí agus le coinníollacha an mhaoinithe sin.

Ní íocfar aon mhaoliniú a thairgfear ach isteach i gcontas bainc atá in ainm an iarratasóra.

Níor mhór go mbeadh na cáipéisí go léir a chuirfear ar fáil in ainm an iarratasóra, e.g. má dhéanann tú iarratas chuit an gComhairle Ealaíon ar mhaoliniú faoin ainm Máire de Barra, níor mhór go mbeadh gach cáipéis, lena

n-áirítear sonraí bainc agus sonraí cánach, san ainm sin. Ní ghlaicfar le leaganacha éagsúla amhail Mary Barry nó Máire Barry.

1.4 Cé nach bhfuil i dteideal iarratas a dhéanamh?

Áirítear na daoine seo a leanas leo siúd nach bhfuil i dteideal iarratas a dhéanamh:

- Daoine atá i mbun oideachas fochéime faoi láthair (lena n-áirítear daoine atá ag tabhairt faoi bhonnchúrsaí)
- Daoine aonair atá ag lorg tacaíochta i leith táillí iarchéime, ardoideachais - creidiúnaithe nó neamhchreidiúnaithe - nó cúrsaí nó modúil fhoirmiúla.
- Daoine atá ag lorg tacaíochta i dtreo oibre a rinneadh mar chuid de chúrsa foirmiúil staidéir
- Daoine atá ag lorg tacaíochta i dtreo na gcostas a bhaineann le tabhairt faoi intírneacht nó obair dheonach
- Ní féidir linn glacadh le hiarratais ó dhaoine atá fostaithe nó ar chonarthaí lánaimseartha ag eagraíochtaí ealaíne atá maoinithe trí chláir de chuid na Comhairle Ealaíon nó trí fhóirdheontas stát dhíreach nó ag aonáin ealaíne thráchtála.
- Comhaltaí Aosdána a fhaigheann cnuas.

Is féidir leat cur isteach ar **aon** bhabhta amháin den Dámhachtain Sparánachta in 2024. Cuirfear dhá bhabhta ar fáil in 2024. Osclófar Babhta 2 den Dámhachtain Sparánachta go deireanach i mí Bealtaine 2024.

1.5 Cad is féidir leat iarratas a dhéanamh air?

Is é an t-uasmhéid is féidir a bhronnadh ar gach iarratasóir rathúil ná **€20,000**.

Is é **€5,000** an t-íosmhéid ar féidir iarratas a dhéanamh air.

Cuir an méid ar a bhfuil iarratas á dhéanamh agat in iúl le do thoil i **gcuid 3** den fhoirm iarratais.

Tabhair faoi deara go measfar go bhfuil d'iarratas **neamh-incháilithe** má chuireann tú isteach ar níos mó ná an t-uasmhéid (ach amháin má tá tú ag cur isteach ar chostais rochtana breise) nó níos lú ná an t-íosmhéid thuasluaite.

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

Tá na sparánachtaí agus na cónaitheachtaí ar fáil ar feadh suas le bliain amháin; ní bhronnfar dámhachtainí ilbhliantúla.

Leagtar béim sna dámhachtainí ar an am agus ar na hacmhainní a chur ar fáil d'ealaíontóirí chun a gcleachtas a chur chun cinn, agus i gcás na gcónaitheachtaí, leagtar béim ar an gcleachtas laistigh dá réimse féin. Dá bhrí sin, ba cheart an méid a íocfaidh tú leat féin as an am a chaithfidh tú ag forbairt do chleachtais mar ealaíontóir a chur san áireamh sa mhéid a iarrann tú, chomh maith le táillí nó pá do d'aon mheantóirí, comhoibrithe nó costais oiliúna.

Ba cheart go mbeadh an méid a shonraíonn tú mar íocaíocht duit féin – agus d'aon mheantóirí nó comhoibrithe atá ag obair leat – a bheith i gcomhréir le céim do ghairmréime/a ngairmréime, nádúr do chleachtais, agus achar an togra. Ba cheart go mbeadh táillí oiriúnach do chaighdeán tionscail laistigh den earnáil amharclannaíochta. Ba cheart duit íocaíocht chuí a thabhairt duit féin. Ná cuir isteach ar mhéid atá níos lú ná an méid a theastódh chun do chuspóirí a bhaint amach.

Tá lamháil sa dámhachtain do chostais atá bunúsach i dtacú le forbairt chleachtas an ealaíontóra – e.g.

- Táillí cuí don am a chaitheann aon mheantóirí nó comhoibrithe a oibríonn leat ar an ngníomhaíocht nó ar na gníomhaíochtaí, a bhfuil tacaíocht uait ina leith
- Seirbhísí ar cíos atá riachtanach chun do chleachtas ealaíne a fhorbairt chomh fada agus atá sé soiléir go mbaineann an t-iarratas leis an togra
- Ábhair (suas le huasmhéid 15% den mhéid ionlán atá á iarraidh) atá riachtanach chun do chleachtas ealaíne a fhorbairt chomh fada agus atá sé soiléir go mbaineann an t-iarratas leis an togra. D'fhéadfadh ceannach ceadúnais bhogearraí atá nasctha leis an togra seo a bheith san áireamh leis na hábhair.

Costais rochtana d'ealaíontóirí nó rannpháirtithe² faoi mhíchumas

Anuas ar an uasmhéid atá ceadaithe, déanfaidh an Chomhairle Ealaón

² Tugann an Chomhairle Ealaón sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlacadh i ngníomhaíochtaí ealaíonta. I dtéarmaí níos leithne, ciallaíonn sé seo aon duine atá páirteach sna healaíona ar aon bhealach ag aon leibhéal e.g. ag freastal ar imeacht, ag léamh leabhair, ag féachaint ar thaibhléiriú, etc.

measúnú ar chostais rochtana a bhaineann go sonrach le saothair a dhéanann ealaíontóirí nó rannpháirtithe faoi mhíchumas agus/nó a bhfuil costais neamh-chaipitiúla rochtain an phobail acu (e.g. tráchtairesreacht fuaimé, ateangaireacht) i gcásanna a bhfuil toradh poiblí ag baint le do thogra.

Tógann an Chomhairle Ealaíon an sainmhíniú ar mhíchumas ó Choimhinsiún na Náisiún Aontaithe ar Chearta Daoine faoi Mhíchumas, ina sonraítear: ‘Áirítéar i measc daoine faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfach ar mallachair iad, nuair a nasctar iad le nithe eile, a d’fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.’

Más mian leat cur isteach ar mhaoliniú do chostais rochtana, ba cheart duit an fhasnéis seo a leanas a uaslódáil le d’iarratas:

- Cáipéis ghairid ina dtugtar achoimre ar do chostais rochtana bhreise
- Méid do chostais rochtana sa rannán caiteachais de bhuiséad d’fhoirme iarratais. Ba cheart an figiúr sin a áireamh leis an méid iomlán a iarrann tú freisin.

Cad is Costas Rochtana ann?

Clúdaíonn costais rochtana aon riachtanais a d’fhéadfadh a bheith ag ealaíontóirí nó rannpháirtithe faoi mhíchumas, ionas go mbaintear aon chonstaic a d’fhéadfadh cosc a chur ort do thogra a chríochnú. D’fhéadfadh costais i gcomhair am breise atá ag teastáil chun gné do thogra a chríochnú nó cúnamh sa bhreis chun do ghníomhaíocht mholta a sholáthar a bheith san áireamh, mar shampla.

Tabhair faoi deara: sa chás go bhfuil na costais rochtana á n-iarraidh agat, ba cheart duit eolas a chur san áireamh faoi na costais chéanna agus an chaoi ar tháinig tú orthu mar chuid de do cháipéisíocht tacaíochta (féach rannán 1.7 thíos).

Cén seans atá agat tacaíocht a fháil?

Is dámhachtain fhíor-iomaíoch í seo. Faightear i bhfad níos mó iarratas ná mar is féidir leis an gComhairle Ealaíon tacaíocht a thabhairt dóibh.

I gcás go moltar tograí i gcomhair maoliniú, déanfaimid iarracht nuair is féidir na méideanna iomlána a iarradh a sholáthar. Mar sin féin, coimeádann an

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

Chomhairle Ealaón an ceart chun méid níos lú a thairiscint d'íarratasóirí ná a iarradh, má mheastar tograí a bheith indéanta ar scála laghdaithe.

1.6 Cad nach féidir leat iarratas a dhéanamh air?

I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Gníomhaíochtaí nach n-oireann do chuspóir na dámhachtana toisc nach bhforbraítear do chleachtas, scileanna ná saothar leo nó toisc go n-oireann siad níos fearr do dhámhachtain eile arna maoiniú ag an gComhairle Ealaón
- Gníomhaíochtaí atá ann chun tionscadail ar leith a fhorbairt le haghaidh léirithe mura bhfuil siad mar chuid de thionscadal cónaitheachta
- Síntiúis, lena n-áirítear ceadúnais bogearraí leanúnacha, nach mbaineann leis an togra seo
- Táillí ballraíochta
- Costais i dtreo tacú le hintéirneacht nó obair dheonach
- Gníomhaíochtaí a d'oirfeadh níos fearr do dhámhachtain eile arna maoiniú ag an gComhairle Ealaón nó arna feidhmiú ag gníomhaireachtaí stáit eile, amhail Cultúr Éireann
- Gníomhaíochtaí a críochnaíodh cheana ná ar cuireadh túis leo cheana
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, ná a bheidh ar siúl go príomha chun brabús a dhéanamh
- Gníomhaíochtaí a ndearna an Chomhairle Ealaón measúnú orthu cheana féin, mura féidir leat a léiriú go ndearna tú an togra a fhorbairt óna chuir tú iarratas isteach an uair roimhe **nó** má mhol an Chomhairle Ealaón duit go sonrach d'íarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.

1.7 Cén t-ábhar tacaíochta nach mó duit a chur isteach le d'iarratas?

Ciallaíonn ábhar tacaíochta ábhar **ar leith ó** d'fhoirm iarratais agus **sa bhreis air**. Cabhraíonn sé seo leis an duine a bhfuil measúnú á dhéanamh aige ar d'iarratas chun tuiscint níos soiléire a fháil ar do thogra. Léigh go han-chúramach an liosta seo a leanas den ábhar tacaíochta a theastaíonn, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú faoin Dámhachtain Sparánachta Amharclannaíochta, **caithfidh** tú an t-ábhar tacaíochta seo a leanas a uaslódáil agus a chur isteach ar líne:

- CV mionsonraithe cothrom le dáta (trí leathanach ar a mhéad) ina leagtar amach na héacthaí gairmiúla a rinne tú le déanaí
- Idir sampla amháin agus trí shampla de shaothar ábhartha le déanaí a léiríonn do shaothar ealaíne – e.g. samplaí scríbhneoireachta, íomhánna nó gearrthóga físe (nach maireann níos faide ná deich nóiméad)

Ábhair thacaíochta eile

- I gcás go mbraitheann do thogra ar shaineolas daoine eile nó eagraíochtaí eile, ba cheart duit beathaisnéisí gearra a thugann achoimrí ar a saineolas, ar a gcreidiúnú agus ar a gcuid oibre go dtí seo, chomh maith le litir thacaíochta, mar atá sonraithe thuas, ag leagan amach an ról a bheidh acu san obair atá beartaithe agat, a chur isteach.
- Ráitis nó litreacha tacaíochta comhpháirtithe atá aitheanta san iarratas atá lárnach do do thogra (e.g. rannpháirtithe nó ionadaithe grúpa, ealaíontóirí eile, comhoibrithe, meantóirí, maoinitheoirí agus aon chomhpháirtithe eile)
- Fianaise ar aon tacaíochtaí airgeadais nó comhchineáil a leagtar amach i do thogra agus i do bhuiséad
- Cuir isteach buiséad mionsonraithe ar leith ina leagtar amach an t-ioncam agus an caiteachas atá beartaithe, lena n-áirítéar táillí ealaíontóirí aonair don sparánacht, sa chás AMHÁIN nach féidir na sonraí sin a chlúdach go soiléir laistigh den fhoirm iarratais. Ba cheart go n-áireodh sé seo fianaise ar leibhéal táillí agus tacaíochtaí cuí a comhaontaíodh le meantóirí, comhoibrithe agus eile atá san áireamh sa togra, lena n-áirítéar táillí don iarratasóir féin. Ba cheart go mbeadh sé soiléir san iarratas conas a fhaightear na táillí seo.

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

- I gcás iarratas ar chónaitheacht, cuir meabhrán tuisceana isteach (MOU) idir na comhpháirtithe uile atá i mbun an iarratais (i.e. an t-ealaíontóir, an t-ionad agus/nó an fhéile ealaíon agus/nó oifig ealaíon an údaráis áitiúil) san áireamh; ba cheart go mbeadh sé sin sonrach agus an méid seo a leanas a bheith san áireamh leis:
 - Breac-chuntas ar an gclár oibre/gníomhaíochtaí a dhéanfaidh an t-ealaíontóir téatair i gcaitheamh na cónaitheachta
 - Fianaise ar chomhoibriú comhpháirtíochta
 - Liosta de na hacmhainní airgid, comhchineáil agus bonneagair a chuirfear ar fáil chun tacú leis an ealaíontóir téatair.
 - Miondealú soiléir ar róil agus freagrachtaí gach páirtí maidir leis an gcónaitheacht: ealaíontóir amharclannaíochta/eagraíocht amharclannaíochta, agus ionad agus/nó féile ealaíon agus oifig ealaíon údaráis áitiúil más ábhartha.

Faisnéis bhreise a bhíonn ag teastáil i gcásanna áirithe:

- Má tá tú ag lorg costais rochtana bhreise chun tacú le hobair daoine aonair a bhfuil riachtanais rochtana acu, nó chun tacú le rochtain ar d'áit oibre do lucht féachana a bhfuil riachtanais rochtana acu, cuir cáipéis san áireamh ina bhfuil na costais sin leagtha amach, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.
- Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

D'íarratais a bhaineann le leanaí agus le daoine óga atá faoi bhun 18 mbliana d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maioniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.

- Má éiríonn leat, iarrfar ort Cosaint agus Féin-iniúchadh i gcomhair Leas Leanaí agus Dearbhú Cáilíochta de chuid na Comhairle Ealaíon a chur i gcrích ar <https://childprotection.artscouncil.ie/>. Téigh chuig www.tusla.ie le tuilleadh faisnéise a fháil maidir le Tús Áite do Leanaí.
- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an aoisghráupa seo nó go gcuirfidh tú obair i láthair don aoisghráupa seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

***Tabhair faoi deara:** d'fhéadfaí go n-iarrfaí ort níos mó fianaise maidir le bheith ag cloí leis na beartais seo a chur ar fáil má éiríonn le d'iarratas.

Measfar nach bhfuil d'iarratas incháilithe mura gcuirfidh tú an t-ábhar tacaíochta riachtanach isteach.

An fhormáid le haghaidh ábhar tacaíochta

Ní mór gach ábhar tacaíochta don chlár maoinithe seo a chur isteach ar líne. Ní ghlacfar le hábhar tacaíochta i bhfoirm cruachóipe.

- Ní mór ábhar íomhá ghluaisteach agus fuaimé a chur isteach mar naisc **YouTube** nó naisc **URL** eile i gcáipéis Microsoft Word nó OpenOffice Writer ar leith – féach ar **naisc URL a chur isteach** i gcuid 2.3 den cháiipéis seo.
- Ní mór gach ábhar ealaíonta agus ábhar tacaíochta eile (e.g. buiséad, CVanna, etc.) a uaslódáil mar **cháipéisí ar leith, astu féin**.

Má bhíonn tuilleadh faisnéise uait faoi na formáidí is féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3 Uillmhaigh aon ábhar tacaíochta atá riachtanach don iarratas**.

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail

CVanna agus litreacha tacaíochta srl. a uaslódáil mar dhoiciméid aonair le
d'íarratas.

1.8 Incháilitheacht

Measfar go bhfuil d'íarratas **neamh-incháilithe** agus ní chuirfear é chun cinn go
dtí an chéad chéim eile den phróiseas má bhaineann aon cheann de na rudaí
seo a leanas leis:

1. Chuir tú an t-iarratas isteach i ndiaidh an spriocdháta.
2. Ní sheolann tú isteach foirm iarratais chomhlánaithe trí Sheirbhísí Ar Líne
(ní ghlacfar le foirm iarratais a cheanglaítear mar cháipéis tacaíochta).
3. Níor chomhlánaigh tú gach cuid den fhoirm iarratais a bhaineann le do
thogra.
4. Níl tú incháilithe iarratas a dhéanamh faoi na critéir a leagtar amach i
gcuid 1.2 agus i gcuid 1.4 thuas.
5. Chuir tú isteach ar mhéid maoinithe atá níos lú ná an t-íosmhéid a
cheadaítear don dámhachtain ar a bhfuil iarratas á dhéanamh agat, faoi
mar atá leagtha amach i rannán 1.5 thuas (ach amháin nuair atá tú ag
déanamh iarratas ar mhéid breise chun costais rochtana a chlúdach).
6. Chuir tú iarratas isteach le haghaidh gníomhaíochta nó cuspóra nach
féidir iarratas a dhéanamh ina leith faoi mar a leagtar amach i gcuid 1.6
thuas.
7. Níor chuir tú gach ceann de na hábhair thacaíochta riachtanacha mar a
leagtar amach i gcuid 1.7 thuas ar fáil.
8. Tá d'iarratas níos oiriúnaí do chlár maoinithe eile a thairgeann an
Chomhairle Ealaíon nó gníomhaireacht mhaoinithe eile (cuirfimid an deis
maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe,
ní dhéanfar measúnú air agus beidh tú in ann iarratas a dhéanamh leis an togra
céanna i mbabhtaí maoinithe sa todhchaí.

1.9 Cá fhad a thógfaidh sé chun cinneadh a fháil?

Braithfidh an méid ama a thógfaidh sé orainn cinneadh a dhéanamh ar líon na n-iarratas a gheobhaimid. Go hiondúil, ag brath ar líon na n-iarratas, tógfайдh sé idir dhá agus cúig seachtaine déag..

2. An bealach chun d'íarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach íarratas a dhéanamh trí Sheirbhísí ar Líne na Comhairle Ealaíon; ní
ghlacfar le hiarratais a dhéanfar ar bhealach ar bith eile (sa phost, ar facs nó ar
ríomhphost).

Ní mór go mbeadh cuntas Seirbhísí ar Líne agat chun íarratas a dhéanamh.

Mura bhfuil cuntas Seirbhísí ar Líne agat cheana féin, cláraigh do chuntas tríd
an bhfoirm chlárúcháin a chomhlánú anseo:

<https://onlineservices.artscouncil.ie/register.aspx?&lang=gd-ge>.

Laistigh de chóig lá oibre, seolfar ARN (Uimhir Thagartha Ealaíontóra) uathúil
agus pasfhocal chugat trí ríomhphost, agus beidh tú in ann úsáid a bhaint astu
chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí Idirlín na riachtanais seo a leanas
a chomhlíonadh ionas go n-oibreoidh na Seirbhísí ar Líne duit:

PC Córás oibriúcháin Windows 7 nó leagan níos déanaí de Windows leis na
leaganacha brabhsálaithe seo a leanas: Microsoft Edge (v.94) nó Firefox
(v.27) nó Chrome (v.33), nó leagan níos déanaí d'aon cheann de na
brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin
Mac *leis* na leaganacha brabhsálaithe seo a leanas: Safari (v.3.1) nó
Firefox (v.27) nó Chrome (v.32) nó Microsoft Edge (v.94), nó leagan níos
déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid
leagan níos déanaí de Safari, nó brabhsálaithe difriúla ar nós Firefox,
Chrome, nó Microsoft Edge.

Tabhair faoi deara: ní mór go mbeadh Microsoft Word nó OpenOffice Writer ar
an ríomhaire freisin chun an fhoirm íarratais féin a chomhlánú. Bogearra saor in
aisce is ea OpenOffice Writer is féidir a íoslódáil anseo:

<https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9XxgmgoEo>.

Ní mór duit OpenOffice Writer leagan 4.0.1 nó níos luithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúchán Mac OS Mojave nó leagan níos luithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúchán MAC OS Catalina. Má tá an córas oibriúchán seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuaí de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteaghmháil linn le comhairle a fháil chomh luath agus is féidir leat roimh an spriocdháta.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Ba cheart duit d'iarratas a ullmhú agus a chur isteach tamall maith roimh an spriocdháta.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacáiocht theicniúil uait agus iarratas ar líne á dhéanamh agat, is féidir leat dul i dteaghmháil leis an gComhairle Ealaíon ach ríomhphost a sheoladh chuig onlineservices@arts council.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tú freastail ar an gceann is túisce.

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spriocdháta.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaón in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Uillmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánná nó taifeadtaí fuaimé (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas na formáidí comhaid a nglactar leo mar chuid d'iarratas ar dhámhachtain tionscadail.

Cineál comhaid	Iarmhír comhadainm
téacschomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaimé	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe	.pdf

Acrobat Reader

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. **Ní mór** ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'íarratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe nach gcuireann teorainn ar rochtain trí shíntiús airgeadais. Chun é sin a dhéanamh, cóipeáil an URL (seoladh iomlán an tsuímh ar a bhfuil d'ábhar á óstáil) isteach i gcáipéis Microsoft Word nó OpenOffice Writer nó doiciméad PDF agus uaslódáil é mar cháipéis tacaíochta ina bhfuil nasc gréasáin.

“Cé nach liosta iomlán é seo, ba shamplaí d'ardáin chomhroinnte inghlactha iad YouTube, Vimeo, SoundCloud, Bandcamp.

Tabhair faoi deara nach nglacfaimid le naisc chuig na foinsí seo a leanas:

- Suíomhanna gréasáin ar féidir comhaid a chomhroinnt orthu – e.g. Google Drive
- Ardáin na meán sóisialta – e.g. Meta, Instagram
- Do shuíomh gréasáin pearsanta féin

Tabhair faoi deara: ní bhreathnóidh na measúnóirí ach amháin ar naisc URL a chuireann tú ar fáil. Tá sé tábhachtach go ndéanfaidh tú cinnte go n-oibríonn gach nasc sa doiciméad **agus** go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar tacaíochta agus breathnú air.

Ná marcáil d'ábhar mar ‘príobháideach’ mar nach mbeidh sé ar fáil lena mheasúnú. Athraigh na socruithe ar d’fhíseán go ‘neamhliostaithe’ más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítéar leis. Mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le	russelljack gearrthóg taibhithe.mp4
tabhaint ar	russelljack Tionscadal ailtireachta teimpléad buiséid babhta
chomhaid i	2.xls
gcás	russelljack nasc youtube.doc
iarratasóra	
darb ainm Jack	
Russell	

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tú a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán lúide Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mó duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá d'fhoirm iarratais curtha i gcrích agat mar chomhad **.docx**, agus má tá tú muiníneach go bhfuil d'fhoirm iarratais comhlánaithe i gceart agat (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhad **.doc** agus í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú ionlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhereagras a bhaineann leis an iarratas seo. **Tabhair faoi deara:** tá sé tábhachtach go rachfá i dteaghmháil le onlineservices@arts council.ie mura bhfaigheann tú an dara ríomhphost deimhnithe ina mbeidh an uimhir iarratais.

3. An chaoi a ndéanaimid measúnú ar d'iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom tréadhearcach ann maidir le maioniú a bhronnadh.

3.2 An próiseas measúnaithe

Nuair a fhaightear é, déanfaidh an Chomhairle Ealaíon d'iarratas a phróiseáil mar seo a leanas:

- 1** Indiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.
 - Tabhair faoi deara:** ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh measúnú.
 - Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@arts council.ie

 - 2** Seiceáiltear inghlacthacht an iarratais. Féach ar chuid **1.8 Incháilitheacht** thuas.

 - 3** I roinnt cásanna, b'fhéidir nach é an réimse ealaíon a ndearna tú iarratas air an ceann is oriúnaí do do thogra. I gcás mar sin, déanfaimid teagmháil leat agus fiafróimid díot an bhfuil tú sásta go mbogfaimid d'iarratas chuig foireann ealaíon níos oriúnaí. Beidh ort ansin rogha a dhéanamh d'iarratas a bhogadh, nó é a fhágáil faoin réimse ealaíon a ndearna tú iarratas air.

 - 4** Déanann comhairleoír(í) agus/nó an foireann measúnú ar an iarratas agus tugann scór dó bunaithe ar na critéir don phróiseas measúnaithe
-

agus scórála a leagtar amach thíos.

-
- 5 Molann comhairleoir(i) agus/nó an fhoireann ar cheart iarratas a chur ar an ngearrliosta nó nár cheart.
 - 6 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
 - 7 Cuirtear na cinntí in iúl do na hiarratasóirí i scríbhinn.
 - 8 Déanann an Chomhairle nota de na cinntí.
-

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar gach iarratas a mheasúnú de réir na gcritéar seo a leanas:

- Caighdeán ealaíonta
- Na bealaí ina gcomhlíontar cuspóirí agus tosaíochtaí na dámhachtana iontu
- Indéantacht

Is é seo a leanas an próiseas a úsáidfear chun measúnú a dhéanamh ar na critéir sin:

Caighdeán ealaíonta

I gcás an mheasúnaithe ar chaighdeán ealaíonta, dírítear ar chleachtas an ealaíontóra roimhe sin agus ar nádúr an togra. Áirítear anseo:

- Cuntas teiste agus/nó cumas an ealaíontóra a léirítear leis an bhfoirm iarratais, an CV agus leis na hábhair thacaíochta eile a cuireadh isteach
- An ghníomhaíocht ealaíon nó na gníomhaíochtaí ealaíon atá beartaithe de réir mar a léirítear san fhoirm iarratais
- Cleachtas an ealaíontóra arna léiriú leis an ábhar tacaíochta a cuireadh isteach
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uaillmhian, an úrnuacht agus an inniúlacht atá léirithe ag an ealaíontóir

- Cuntas teiste an mheantóra agus cálíocht an chláir meantóireachta, más ábhartha don togra, mar a léirítéar leis an bhfoirm iarratais, an CV agus leis na hábhair thacaíochta eile a cuireadh isteach
- Caighdeán agus oriúnacht na dtacaíochtaí atá á dtairiscint ag eagraíochtaí comhpháirteachais, más ábhartha.

Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – féach ar chuid **1.1 Cuspóirí agus tosaíochtaí na dámhachtana** faoi choinne sonraí.

Mar shampla, d'fhéadfadh go n-áireofaí le measúnú den sórt sin breathnú ar an tairbhe a bhainfeadh cleachtas an ealaíontóra as an ghníomhaíocht atá beartaithe agus ar an bhforbairt a dhéanfaí ar an gcleachtas sin, nó ar an méid a phléitear leis na tosaíochtaí ar leith a aithníodh.

Cé go bhféadfadh iarratasóirí foirmeacha ealaíne/cleachtais ealaíon eile a roghnú atá ábhartha dá n-iarratas, déanfaidh an fhoireann atá freagrach as an bpriomhfhfoirm ealaíne roghnaithe an measúnú agus d'fhéadfaidís siúd, i gcásanna áirithe, measúnú tánaisteach a iarraidh ar fhoireann ealaíon eile.

Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítéar air sin breathnú ar na nithe seo a leanas:

- An clár ama nó an sceideal atá beartaithe
- An méid maoinithe atá á lorg i gcomparáid le nádúr agus fad na hoibre beartaithe
- Más ábhartha, infhaighteacht na dtacaíochtaí nó na gcomhpháirtithe eile a ainmnítear san iarratas.

3.4 Próiseas Tuairiscithe

Is é cuspóir chruiinnithe an phainéis piaraí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. De ghnáth cuimsíonn painéis piaraí triúr moltóirí seachtracha ar a laghad ag a bhfuil saineolas ábhartha ar an bhfoirm ealaíne agus/nó ar an gcleachtas ealaíon,

agus/nó a bhfuil eolas leathan oibre agus tuiscint ghinearálta ar na healaíona gairmiúla acu.³

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoírí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcrúinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

Próiseas scórála an phainéil

Iarrtar ar an bpainéal na hiarratais a scóráil de réir an chórais seo a leanas:

A – Caithfear a Mhaoiniú (10 bpointe): dar leis an gcomhalta painéis gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.

B – Ba Chóir a Mhaoiniú (8 bpointe): dar leis an gcomhalta painéis gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.

C – D’fhéadfaí a Mhaoiniú (5 phointe): dar leis an gcomhalta painéis gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.

D – Ní Tosaíocht É (2 phointe): dar leis an gcomhalta painéis nár comhlíonadh na critéir san iarratas an oiread sin go bhfuil maoiniú tuillte aige.

Dearbhú leasa

D’fhoínn cothroime agus cothromas sa chinnteoireacht a chinntiú, ní mór do chomhaltaí painéis leas a dhearbhú má tá dlúthcheangal pearsanta nó gairmiúil

³ I gcás foirmeacha ealaíne a ndéantar líon níos lú iarratas ina leith, féadtar painéis a thionól chun grúpaí iarratas a mheas ag an gcrúinniú céanna den phainéal.

Dámhachtain Sparánachta Amharclannaíochta Babhta 1 2024: Treoirlínte d'íarratasóirí

acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' (e.g. áit a bhféadfadh duine tairbhe airgeadais a bhaint as cinneadh) nó ina 'leas neamhairgid' (e.g. gaol muintire, nó comhpháirtíochtaí, caidrimh phearsanta, nó comhpháirtíochtaí gnó idir fhoirmiúil agus neamhfhoirmiúil, etc.).

Ní mór an leas a dhearbhú a luaithe agus is eol don chomhalta painéis é a bheith ann. D'fhéadfadh sé sin tarlú ag an bpointe nuair a iarrtar air/uirthi suí ar an bpainéal (más eol an 'leas' ag an bpointe sin) nó tar éis liosta na n-iarratasóirí a fháil. I gcás go ndearbhaítear leas, ní bhfaighidh an comhalta painéis sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéis.

I roinnt cásanna, d'fhéadfadh sé nach n-aithneodh comhalta painéis go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar na páipéir phainéis. I gcásanna den sórt sin ní mór don chomhalta painéis ball forne den Chomhairle Ealaíon nó Cathaoirleach an phainéis a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéis, ní mór dóibh é sin a dhearbhú a luaithe agus is eol dóibh go bhfuil a leithéid ann agus an fógra sin a thabhairt i scríbhinn roimh an gcruiinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir thairisceana chugat ina sonrófar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh

le d'iarratas, is féidir leat aiseolas a iarraidh ar fhoireann na Comhairle Ealaíon.

Níl aon ghealltanás ann go mbronnfar dámhachtain mar gheall ar

incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar

dámhachtain eile de chuid na Comhairle Ealaíon le tabhaint faoin

gníomhaíocht chéanna. Más dóigh leis an gComhairle Ealaíon go mbeadh an

gníomhaíocht atá beartaithe níos feiliúnaí do chlár dámhachtana eile is féidir

eisceacht a dhéanamh. I gcás dá leithéid, cuirfear é sin in iúl duit i scríbhinn.

3.6 Achromharc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achromharc/> nó téigh i dteagháil leis an gComhairle Ealaíon le haghaidh cóip den bhileog faisnéise faoin bpróiseas achomharc.